

Sarajevo, 27-01-2021

Broj: 01-11-3-4567



**KLINIČKI  
CENTAR  
UNIVERZITETA  
SARAJEVO**

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izmjena i dopuna Izvještaja br. 10-33-4-4143 od 25.01.2021.godine, Generalna direktorica donosi:

#### **ODLUKU**

o izboru najpovoljnijeg ponuđača za  
Nabavku i isporuku materijala za potrebe Građevinske službe za LOT-ove 1. , 2. i 4.

#### **I**

Prihvata se prijedlog Komisije za javnu nabavku, Izmjena i dopuna Izvještaja br. 10-33-4-4143 od 25.01.2021.godine, o izboru najpovoljnijeg ponuđača za „**Nabavku i isporuku materijala za potrebe Građevinske službe KCUS-a za LOT-ove 1. , 2. i 4.**“, nakon provedenog otvorenog postupka i Okvirni sporazum se dodjeljuje ponuđaču **Cospex d.o.o. Zenica**, za **LOT-ove 1. i 2. kako slijedi:**

- za **LOT 1: Potrošni materijal i rezervni dijelovi za vodovod i kanalizaciju** sa slijedećim elementima:
  - Vrijednost Okvirnog sporazuma: **95.000,00 KM + PDV 16.150,00 KM = 111.150,00 KM sa PDV-om**
  - Uslovi plaćanja: odgođeno plaćanje u roku **60 dana**, od dana isporuke i ispostavljanja fakture
  - Rok isporuke: 10 do 15 dana od dana prijema narudžbenice, a u slučaju hitnosti u skladu sa dogovorom
- za **LOT 2: Bravarski i limarski materijali**, nakon provedenog postupka e-aukcije i sa slijedećim elementima:
  - Vrijednost Okvirnog sporazuma: **19.969,00 + PDV 3.394,73 KM = 23.363,73 KM sa PDV-om**
  - Uslovi plaćanja: odgođeno plaćanje u roku **60 dana**, od dana isporuke i ispostavljanja fakture
  - Rok isporuke: 10 do 15 dana od dana prijema narudžbenice, a u slučaju hitnosti u skladu sa dogovorom

**LOT 4 - Molersko zidarski materijali se poništava u skladu sa čl. 69. stav (2) pod e) ZJN** (cijene svih prihvatljivih ponuda znatno su veće od osiguranih sredstava za predmetnu nabavku), iz razloga što je vrijednost jedine prihvatljive ponude ponuđača Cospex d.o.o. Zenica u iznosu od 67.202,95 KM bez PDV-a veća od procjenjene vrijednosti konkretne nabavke u iznosu od 57.000,00 KM bez PDV-a.

#### **II**

Izabrani ponuđač je dužan u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a putem web stranice Kantona Sarajevo

#### **IV**

Ovom Odlukom **se mijenja** Odluka o izboru najpovoljnijeg ponuđača broj 01-11-3-54856 od 26.11.2020.godine, za „**Nabavku i isporuku materijala za potrebe Građevinske službe KCUS-a za LOT-ove 1. , 2. i 4.**“, dok u ostalom dijelu za LOT-ove 3. i 5. Odluka ostaje ista.

#### **O B R A Z L O Ž E N J E**

Na osnovu Odluke o pokretanju postupka javne nabavke br.01-04-4-45267-1 od 07.10.2020.godine, sa procijenjenom vrijednosti nabavke u ukupnom iznosu od **200.000,00 KM bez PDV-a za 5 LOT-ova** (sredstva planirana Planom javnih nabavki za 2020.godinu, pod klasifikacijom robe - redni broj 28.), Klinički centar Univerziteta u Sarajevu je 27.05.2020.godine, objavio Obavještenje o nabavci broj: 893-1-1-699-3-415/20 od 08.10.2020.godine na portalu e-Nabavke zajedno sa Tenderskom dokumentacijom o izboru najpovoljnijeg ponuđača za „Nabavku i isporuku materijala za potrebe Građevinske službe KCUS-a“.

U navedenom postupku izvršena je analiza ponuda odnosno analiza traženih i dostavljenih dokumenata na osnovu kojih se utvrđuje postoje li razlozi isključenja ponuđača i analiza prihvatljivosti ponuda prema obliku, sadržaju i potpunosti, te je sačinjen Izvještaj o provedenom postupku br.10-33-4-545469 od 24.11.2020.godine.

Nakon izvršene analize iz prethodnog stava donesena je Odluka o izboru najpovoljnijeg broj 01-11-3-54856 od 26.11.2020.godine, kojom je Credibil Company d.o.o. Sarajevo, nakon provedene e-aukcije izabran kao najpovoljniji ponuđač za LOT-ove 1. i 4., a Senigor d.o.o. Sarajevo, nakon provedene e-aukcije izabran kao najpovoljniji ponuđač za LOT 2.

Na Odluku o izboru najpovoljnijeg ponuđača broj 01-11-3-54856 od 26.11.2020.godine, ponuđač Cospex d.o.o. Zenica, ulaže žalbu URŽ-u putem ugovornog organa broj 208-11/01-20 od 05.12.2020. godine (KCUS broj 58-11-3-56781 od 07.12.2020.godine). KCUS kao ugovorni organ, postupajući po navedenoj žalbi je utvrdio da je žalba blagovremena, dopuštena i izjavljena od strane ovlaštenog lica, ali je neosnovana, te prosljeđuje URŽ-u kompletnu dokumentaciju u vezi sa postupkom.

Ured za razmatranje žalbi BiH Rješenjem broj. JN2-03-07-1-3624-9/20 (KCUS broj:58-11-3-136 od 04.01.2021.godine) poništio je Odluku o izboru najpovoljnijeg ponuđača br: 01-11-3-54856 od 26.11.2020.godine za "Nabavku i isporuku materijala za potrebe Građevinske službe KCUS-a za LOT 1, LOT 2 i LOT 4 i predmet vratio ugovornom organu na ponovno odlučivanje.

Komisija je postupila u skladu sa Rješenjima Ureda za razmatranje žalbi BiH i izvršila je ponovnu ocjenu-evaluaciju ponuda i izmeju Izvještaja koji se odnosi na sadržaj - analiza ponuda i prijedlog Komisije, s tim da u ostalom dijelu Izvještaj ostaje isti.

Za predmetni postupak dostavljene su 4 ponude ponuđača:

R.b.	Naziv ponuđača	Broj LOT-a	Cijena ponude bez PDV-a / KM	Broj protokola, datum i vrijeme dostavljene ponude
1	2	3	4	5
1.	„COSPEX“ d.o.o. Zenica	1	95.000,00	10-11-3-51624 od 06.11.2020. godine 08,56 sati
		2	23.630,15	
		4	67.202,95	
2.	„CREDIBIL COMPANY“ d.o.o. Sarajevo	1	94.999,70	10-11-3-51876 od 09.11.2020.godine 08,23 sati
		2	19.998,90	
		4	56.999,30	
3.	PENNY PLUS d.o.o. SARAJEVO	4	56.892,44	10-11-3-51888 od 09.11.2020.godine 08,40 sati
4.	SENIGOR d.o.o. Sarajevo	2	19.989,74	10-11-3-51891 od 09.11.2020.godine 09,10 sati

### **Analiza ponuda**

Obzirom na navedeno Komisija imenovana Odlukom broj: 01-04-4-47779 od 21.10.2020. godine je nakon ponovne analize, u skladu sa Rješenjima Ureda za razmatranje žalbi BiH konstatovala slijedeće:

### **LOT 1- Potrošni materijal i rezervni dijelovi za vodovod i kanalizaciju**

**Ponuda ponuđača Credibil Company d.o.o. Sarajevo, nije formalno-pravno ispravna**, jer nije dostavljena u skladu sa zahtjevima iz TD.

Naime, navedeni ponuđač u Obrascu za cijenu ponude na strani 15 (stavka 383), 30 (stavka 924), je izvršio izmjene i dopune ponude, odnosno ispravke, na način koji nije u skladu sa zahtjevima tenderske dokumentacije i članom 18. stav (1) tačka m) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 2015).

Pored toga, za stavke 8, 9, 10, 12, 13, 24, 26, 27, 28, 29, 30, 31, 32, 33, 38, 67, 68, 69, 70, 96, 97, 99, 100, 101, 105, 106, 112, 134, 147, 148, 149, 150, 151, 152, 153, 155, 290, 291, 293, 294, iz Obrasca za cijenu ponude, navedeni ponuđač je nudio ekvivalent za koji je prema zahtjevima navedenim u tenderskoj dokumentaciji ponuđač bio obavezan dostaviti izjavu proizvođača da taj proizvod odgovara traženim karakteristikama i/ili tehnički list proizvoda koji nudi. Ponuđač u svojoj ponudi nije dostavio zahtjevanu izjavu i/ili tehnički list.

U koloni 3. Obrasca za ocijenu ponude (Naziv proizvođača i zemlja porijekla proizvoda koji se nudi) za većinu stavki nije popunio prema zahtjevima tenderske dokumentacije, odnosno popunjena je samo zemlja porijekla ili samo proizvođač, te iz tih razloga ponuda ponuđača **Credibil Company d.o.o Sarajevo, za LOT 1 ne može biti predmet dalje ocjene.**

**Ponuda ponuđača COSPEX d.o.o. ZENICA za LOT 1 ispunjava formalno pravne i tehničke zahtjeve.**

#### **LOT 2 Bravarski i limarski materijali**

Ponuda ponuđača **COSPEX d.o.o. ZENICA** i **Credibil Company d.o.o. Sarajevo** za **LOT 2** ispunjavaju formalno pravne i tehničke zahtjeve.

Ponuda ponuđača **SENIGOR d.o.o. Sarajevo** nije formalno-pravno ispravna, jer nije dostavljena u skladu sa zahtjevima iz TD.

Navedeni ponuđač nije u Obrascu za cijenu ponude u koloni 3 upisao zemlju porijekla proizvoda koji se nudi pod red.brojevima 2.3, 2.7, 2.8, 2.9, te se iz tih razloga ponuda odbacuje.

#### **LOT 4 Molersko zidarski materijali**

Ponuda ponuđača **Credibil Company d.o.o. Sarajevo**, nije formalno-pravno ispravna za **LOT4**, jer nije dostavljena u skladu sa zahtjevima iz TD.

Naime, navedeni ponuđač je za stavku pod r/b 4.86 izvršio ispravku jedinične cijene i ukupne cijene bez PDV-a što nije u skladu sa članom 18. stav (l)tačka m) Uputstva za pripremu modela tenderske dokumentacije i ponuda („Sluzbeni glasnikBiH", broj 90/14 i 20115).

Također za stavku 53. iz Obrasca za cijenu ponude je ponudio ekvivalent uz koji nije dostavio Izjavu ili tehnički list kako je zahtjevano tenderskom dokumentacijom u Napomeni na stranci 39. Obrasca za cijenu ponuda za Lot-4.

U Obrascu za cijenu navedeni ponuđač za stavku pod r/b 4.49 nije upisao zemlja porijekla proizvoda koji se nudi.

Ponuda ponuđača **COSPEX d.o.o. ZENICA za LOT 4** ispunjava formalno pravne i tehničke zahtjeve.

Imajući u vidu da je za ovaj postupak javne nabavke planirano provođenje e-aukcije a da je za LOT 1 i LOT 4 dostavljena samo jedna prihvatljiva ponuda u skladu sa Pravilnikom o uslovima i načinu korištenja e-aukcije, član 3. Stav 3)

- **za LOT 1 postupak se okončava u skladu sa članom 69. 1)a) ZJN**
- **za LOT 4 postupak se poništava u skladu sa čl. 69. stav (2) pod e) ZJN**

Na osnovu navedenog, a u skladu sa Rješenjem URŽ-a broj. JN2-03-07-1-3624-9/20 (KCUS broj:58-11-3-136 od 04.01.2021.godine) prijedlog Komisije je prihvaćen i donesena je odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehnički sektor
- a/a KCUS

*[Handwritten signature]*